



Concilia Provincialia Mediolanensis Sex

Borromeo, Carlo

Venetiis, 1602

S.D.N.D. Pij Papæ V. Extensio Decreti Concilij Tridentini, Sess.xxj.cap.ij.
quod incipit, Cùm non deceat: loquentis de Clericis sæcularibus, ad
Clericos regulares non professos, quòd non promoueantur ...

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

Volumus autem quod harum literarum transumptis etiam impressis, manu Notarij publici subscriptis, ac sigillo alicuius personæ in dignitate Ecclesiastica constitutæ munitis, eadem prorsus fides tam in iudicio, quàm extra adhibeatur, quæ presentibus adhiberetur, si forent exhibitæ, vel ostensæ. Nulli ergo omninò hominum licet hanc paginam nostræ abolitionis, reuocationis, statuti, præcepti, ordinationis, decreti, declarationis, derogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac beatorum Petri, & Pauli Apostolorum eius se nouerit incursum. Dat. Romæ apud Sanctum Petrum, anno Incarnationis Dominicæ, Millesimo Quingentesimo Sexagesimo octauo, octauo Idus Iulij Pontificatus nostri Anno Tertio.

Ca. Glorierius.

S. D. N. D. Pij Papæ V. Extensio Decreti Concilij Tridentini, Sess. xxj. cap. ij. quod incipit, Cum non deceat: loquentis de Clericis sæcularibus, ad Clericos regulares non professos, quod non promoueantur ad sacros Ordines, nisi seruata forma dicti Decreti.

PIVS Episcopus, seruus seruorum Dei, ad perpetuam rei memoriam.

Romanus Pontifex sacrarum Conciliorum auctor & interpres, illa quæ in huiusmodi Concilijs à prudentibus patribus in Spiritu sancto legitime congregatis salubriter sancita sunt, pro sui Pastoralis officij debito dum equitas, honestas, & decus suadet, sicuti declarare, & moderare, ita etiam ad alios casus extendere consuevit. Sanè cum non deceat diuino ministerio ascriptos cum ordinis dedecore mendicare, aut sordidum aliquem quæstum exercere, sacro Tridentino Concilio inter alia decretum fuit, ne quis deinceps Clericus Sæcularis, quamuis aliàs moribus, scientia, & ætate esset idoneus, ad sacros Ordines promoueretur, nisi prius legitime constaret eum beneficium ecclesiasticum, quod sibi ad victum honestè sufficeret, pacificè possidere, vel aliàs ordinari non posset, nisi iuxta Decreti ab ipso Concilio desuper editi formam, & tenorem.

tenorem. Cum aut nulla in huiusmodi Decreto religiosorum Clericorum mentio facta fuerit, ac propterea nonnulli (ut molestè accepimus) certorum ordinum Religiosi, seu Canonici, vel Clerici intra claustra Monasteriorum, seu domorum more Regularium in communi viuentes, qui numquam, seu non nisi ad certum tempus professionem emittunt, & ex claustro exire, uel dimitti, & ad seculum redire liberè & licitè possunt, religionis prætextu absque titulo sufficientis beneficii, nec iuxta dicti Decreti tenorem, ad sacros Ordines se promoueri prætendunt, & à nonnullis Episcopis passim promouentur, atque inde plerumque illud inconueniens eueniat, ut sic promoti, & è claustro exeuntes, & per seculum uagantes uel mendicare, uel fordidum quæstum exercere, non sine ipsorum dedecore, ac ordinis vilipendio, & quamplurimorum Christi fidelium scandalo cogantur. Nos igitur qui singulorum Dei Ministrorum honorè, & decus (quantum in nobis est) sinceris exoptamus affectibus, Motu Proprio, & ex certa nostra scientia, deque Apostolicè potestatis plenitudine hac perpetuò ualitura sanctione, decretum prædictum de Clericis secularibus loquens, ad omnes & singulos etiam cuiuscumque ordinis Clericos religiosos, siue seculares more Religiosorum uiuentes, in communi, non professos, harum seriè extendimus, & ampliamus, ac Religiosis, & alijs prædictis non professis ut ad sacros ordines promoueri, necnon omnibus & singulis Venerabilibus fratribus nostris Patriarchis, Archiepiscopis, & Episcopis gratiam, & communionem. Sedis Apostolicè habentibus, ut ordines ipsos huiusmodi religiosi personis impendere, nisi obseruata forma dicti decreti non ualeant, in uirtute sanctæ obedientiæ, & sub indignationis nostræ pœna interdiciamus, & prohibemus, ac contrafacientes per annum à præstatione talium ordinum ipso iure suspendimus. Statuentes, & decernentes promotiones quarumlibet religiosarum personarum prædictarum ad ordines huiusmodi contra ipsius decreti Concilij Tridentini formam, etiam cuiusuis licentiæ illis ab Apostolica Sede, uel illarum superioribus cuiuscumque dignitatis, status, gradus, & præeminentia existant, etiam si Pontificali dignitate fungantur, uel Cardinalatus honore præfulgeant concessæ, prætextu factas, executione prædictorum ordinum omninò carere, nullasque prorsus, & irritas existere, sicque promotas personas in Altaris ministerio ministrare non posse: Quinimo ministrantes, priuilegijs, exemptionibus, immunitatibus, & alijs gratijs Clericis concessis, omninò priuari, & irregularitatis, aliasque in dicto decreto contentas pœnas eo ipso incurrere, à quibus, nisi à Roman. Pont. uel in mortis articulo minimè absolui possint. Non obstantibus quibusuis constitutionibus, & ordinationibus Apostoli-

cis, ac quorumuis Monasteriorum, & ordinum etiam iuramento, & confirmatione Apostolica, vel quauis firmitate alia roboratis, statutis, & consuetudinibus, priuilegijs quoque, indultis, & literis Apostolicis, illis, illorumque superioribus, & personis sub quibuscumque tenoribus & formis, ac cum quibusuis, etiam derogatarum derogatorijs, alijsque efficacioribus, efficacissimis, restitutiuis, & insolitis clausulis, irritantibusque & alijs decretis in genere vel in specie, ac alijs quomodolibet etiam iteratis vicibus concessis, confirmatis, & innouatis, Quibus omnibus etiam si alijs pro illorum sufficienti derogatione de illis illorumque totis tenoribus specialis, specifica, expressa, & indiuidua, non autem per clausulas generales idem importantes mentio, seu quauis alia expressio habenda, aut aliqua alia exquisita forma ad hoc seruanda foret, illorum tenores, formas, datas, & decreta in illis apposita, ac si de verbo ad verbum infererentur presentibus pro sufficienter expressis, & insertis habentes, illis alijs in suo robore permansuris, hac vice dumtaxat specialiter, & expressè derogamus, ceterisque contrarijs quibuscumque. Et vt presentes literæ ad omnium notitiam perueniant, nequè quis illarum ignorantia excusari possit, volumus, & Apostolica auctoritate decernimus, presentes literas ad valuas Principis Apostolorum de Vrbe, & Cancellariæ Apostolicæ, ac in Acie Campi Floræ, publicari, & earum exempla affigi, & imprimi, illarumque exemplis etiam impressis manu alicuius Notarij publici, & Sigillo Prælati Ecclesiastici, vel eius Curie obsignatis, eandem prorsus fidem adhiberi quæ ipsis presentibus adhiberetur si forent exhibitæ, vel ostensæ. Nulli ergo omninò hominum liceat hanc paginam nostræ extensionis, ampliacionis, interdicti, prohibitionis, appositionis, statuti, decreti, derogationis & voluntatis infringere, vel ei ausu temerario contraire. Si quis autem hoc attentare presumpserit, indignationem Omnipotentis Dei, ac Beatorum Petri, & Pauli Apostolorum eius, se nouerit incursum. Datum Romæ apud Sanctum Petrum, Anno Incarnationis Dominicæ, Millesimo, Quingentesimo, Sexagesimo octauo, Pridie idus Octobris. Pontificatus Nostri Anno Tertio.

Cæ. Glorierius.

H. Camyn.

S. D. N.